

**Ilaqtariinnermut Peqqissutsimullu Naalakkersuisoq
Landsstyremedlem for Familie og Sundhed**



Inatsisartuni ilaasortaq
Anthon Frederiksen, Kattusseqatigiit Partiat

Inatsisartunut ilaasortap Anthon Frederiksen-ip Kattusseqatigiit Partii-aneersup § 36 imm. 1 naapertorlugu apeqquteqaataanut allakkatigut akissut.

Pineqartoq: SANA-p matuneqannginnissaa siunertaraluqu

Inatsisartunut ilaasortap Kalaallit Nunaanni peqqinnissaqarfip

Napparsimavissuullu ingerlanneqarnerannut soqutiginninna
qujassutigaara.

1. SANA-p matuneqannginnissaa siunertaralugu Naalakkersuisut qanoq iliuuseqarniarpat ?

10. november 2008

Postboks 260
3900 Nuuk
Oq/tel +299 34 50 00
Fax +299 32 55 05
IPN@gh.gl
www.nanoq.gl/

SANA-p matuneqannginnissaa siunertaralugu aningaasaliissutinut ilassutissanik 7,8 mio. koruuninik qinnuteqaasiortoqarpoq. Tamatuma saniatigut Naalakkersuisoqarfimmi aningaasartuutissat iluini 9,7 mio. koruunit nalinginik missingersuutinut sunniuteqanngitsumik nuussisinnaanissamut qinnuteqaat Naalakkersuisunit Aningaasaqarnermullu Ataatsimiitaliamit akuersissutigineqarput. Taamaasilluni peqqinnissaqarfik katillugit 17,5 mio. koruuninik, ukiup naanissaanut aningaasaliissutinik sippuinissamut matussutissanik tunineqarpoq.

Aningaasaliissutit 17,5 mio. koruunit taakku ilaat 2,5 mio. koruunit peqqissaasunut taartaagallartartussanut aallartitanut atugassatut immikkut aningaasaliissutaapput. Oktobarip 1-ani aningaasaliissutit sipporlugit atuinissaq annikillisinniarlugu peqqissaasunik taartaagallartartunik aallartitanik sulisussarsiornerup ukiup sinneranut 4,5 mio. koruuninik sipaarniarfigineqarnissaa aalajangiunneqarsimagaluarpooq. Taamali sipaarniuteqarneq pivusorsiornerunngitsoq paasinarsimmat, peqqinnissaqarfik aningaasanik ilaatigut peqqissaasunut taartaagallartartunut aallartitanut atugassanik qinnuteqarpoq.

*Peqqinnissaqarfimmi taartaagallartartunut aallartitanut aningaasartuutit
(mio. koruuninngorlugit.)*

	2004	2005	2006	2007	2008 <i>(miss.)</i>
SANA-mi	16,6	17,9	20,2	29,7	42,5
Sineri ssami	5,6	7,3	14,5	12,9	20,5
Katinneri	22,2	25,2	34,7	42,6	63,0

Novembarip 5-aní 2008

2008-mi aningaasartuutissatut missingersuutit 2007 aallaavigalugu suliarineqarput. Tassani takuneqarsinnaavoq Napparsimavissuup taartaagallartartunut aallartitanut 30 mio. koruuningajaat atorsimagai, taamaammat 30 mio. koruunit sinerissamilu peqqissaaveqarfinni 14 mio. koruunit tamatumunnga aningaasartuutissatut missingersuutigineqarput. Taamaasilluni upernaaq taartaagallartartunut aallartitanut atugassatut aningaasaliissutit 20 mio. koruunit ilanngullugit 43 mio. koruuninik atuinissaq naatsorsuutigineqarpooq.

Kisitsisitigut takuneqarsinnaasutut taartaagallartartunik aallartitanik atorfinititsisarnermut aningaasartuutit qaffariapiloorsimapput. Taakku saniatigut pinerluuteqarsimanertik pissutigalugu tarnimikkut nappaateqarnerminnik misissuivigineqarnissartik pillugu uninngasut amerlinerat, pinasuartumillu napparsimasunik angallassisarnerit amerleriarnerat tamarmik uungaannaq sipaarniarfiusinnaangitsut, peqqinnissaqarfiup aningaasaqarniarnera ilungersunartumik inissisimalersippaat. Taamaammat Napparsimavissuarmi sullissinerup annikilliliivigineqarnissaa peqqinnissaqarfiullu nalinginnaasumik sipaarniarfiunissaa pisariaqalersimavoq.

2. Peqqissaasunik nakorsanillu amigaateqarnerujussuaq qanoq iliuuseqarfiginiarneqarpa?

Peqqinnissaqarfik, peqqinnissaqarfimmi quillersanut, sulisussarsiniartarnermi suliinnartitsiniarnermilu periusissanik innersuussuteqartussamik, ataatsimiititalimik suligasuartussamik pilersitsivoq.

Peqqinnissaqarfimmi sulilernissamut piareersarluarsimanissaq anguniarlugu, ullumikkut sulisussarsiniartarnermi suliinnartitsiniarnermilu iliuusaasartut tassaapput, sulilersussanik nunatsinni peqqinnissaqarfimmilu pissutsit pillugit, sulilereeratalu suliffeqarfiup aaqqissuussaaneranut

immikkoorttamullu suliffigiligassamut tunngasunik paasissutissinneqartarneq.

Sulisut pigiinnarnissaat piginnaasaasalu ineriertortittuarnissaat anguniarlugu, Peqqissaanermik Ilanniarfimmi pikkorissaanerit annertuut ingerlanneqarput. Tamatuma saniatigut Naalakkersuisoqarfiup ataani inissisimasumi, Peqqinnissaq Pillugu Kattuffiit Ilaqtariinnermut Peqqissutsimullu Naalakkersuisoqarfimmi sulisut immikkullu ilisimasalittut ilinniaqqittarnerannut aningaasaliisoqartarpooq. Kiisalu Dronning Ingridip Napparsimavissuata allilerlugulu nutartereqarnissaanut pilersaarummi, sullivimmi avatangiisit qitiutillugit pilersaarusiortoqarpoq, nutarteriniarnerlu nammineq sulisut pitsaanerusumik kajungernarnerusumillu suliffimminni atugassaqartinneqarnissaannut piviusunngortitseqataassaaq.

Iliuuseriniakkalli taakku isigniarnerini, sulisussaqarniarnermi periusissani aningaasarsiat pingaarnertut inissisimapput. Peqqissaasut akissarsiatigut atugaat pillugit isumaqatigiinniarnerit siuliini, peqqissaasutut atorfiiit inuttaleruminaannerit akissarsiaasa qaavisigut immikkut tapisiaqalersinneqarput. Peqqissaasut peruluttunik sullissinissamut -sinititsisartutullu immikkut ilinniarsimasut amerlinerannik tamanna kinguneqarpoq, sulili amerlanerusut pisariaqartinneqarput. Assersuutissaq alla tassaavoq ernisussiortut (jordemødre) akissarsiamikkut annertuumik qaffaavigineqartut taartaagallartartunik aallartitanik atuinani atorfiiit 18-iusut tamarmik inuttalerneqarsinnaalersimanerat. Peqqissaasut sulinermanni atugaannut nallersunneqartartut tamarmillu ilinniartitaanikkut assigiimmik inissisimaffillit (professionsbachelor), soorlu inunnik isumaginninnermik suliallit, ilinniartitsisut politiillu akissarsiaannut sunniuteqarnissaat, akissarsiat nunanut avannarlernut allanut unammillersinnaasumik qaffaavigineqarsinnaanerannut aporfiusarpoq.

Taartaagallartartunik aallartitanik sulisussarsisisariaqartarnerup ajornartorsiutaanerata aaqqiiviginiarneqarnissaa peqqinnissaqarfimmi eqqummaariffigineqarpoq. Qulaani taakkartukkat saniatigut sulisoqarnikkut pitsanngorsaateqarnissaq anguniarlugu siunnersortimik ataqtigissaarisussamillu atorfinititsinikkut ajornartorsiutip qitiusumik aallunneqarnissaa siunertaavoq. Pissutsit peqqinnissaqarfiup susassaqarfiisa avataanniittut, soorlu atuarfinni pissutsit meeqlerivinni inissat, aapparisap suliffissaqartinneqarsinnaanera, minnerunngitsumillu ineqarnermut tunngasut suliffimmut kajungilersitsisarnerat aalaakkasumillu sulisoqalernissamut sunniuteqartarnerat miserratigineqassanngilaq.

*3. Peqqinnissaqaqfiup aqunneqarneranut atatillugu siunissamut
pilersaarutit politikkikkut qanoq isikkoqarpat?*

DIN Napparsimavissuata aqunneqarnerata Sinerissamilu
Peqqissaaveqarfinnik aqutsinerup ataatsimoortinneqarnissaat politikkikkut
aalajangerneqarpoq. Tamanna januaarip 1-ani 2008 aallartinneqarpoq.
Ataatsimoortitsilernerup kingorna aqtuseqatigiit tassaalerput aqutsinermi
qullersaq, nakorsat qullersaat, peqqissaasut qullersaat marluk kigutilerisullu
qullersaat.

Peqqinnissaqaqfimmi kommuunerujussuannngortussat assigalugit
peqqissaaveqarfiit kattussuunnissaat taakkulu immikkut
aqtusisoqalernissaat pilersaarutaavoq. Pilersaarutaavortaaq
aqtusisoqatigiit annikillisaavi-galugu peqqissaasut qullersaattut atorfiit
nuna tamakkerlugu akisusaaffilerlugit aappaa aqutsinermut aappaalu
toqqaannartumik napparsimasunik sullissinermi ineriertortitsinermik
akisussaaffilerneqassapput.

Ungasianniit nakorsiartitsinermi atortorissaarut atorlugu napparsimasut
amerlanerusut najukkaminni nakorsarneqarsinnaalernissaat taamaasillunilu
pisariaqanngitsumik pinasuartumik napparsimasunik
angallassisariaqartarnerup annikillinissaa pilersaarutinut ilaavoq.

Dronning Ingrid-ip Napparsimavissuani naartusut ernisullu
sullinneqarneranni akisussaassusiliinermut assingusumik, immikkut
ilisimaqarfiit sinerissamut siammarnissaat pilersaarutaavortaaq.

Inussiarnersumik inuulluaqqusillunga

Naja Petersen
Ilaqutariinnermut Peqqissutsimullu Naalakkersuisoq